

# 王國維遺書

邱衍野說謂蒼頡十五篇即說文部目五百  
錄不知以字音分部乃初自詳見其部首諸字  
中所謂字也今茲所  
自固非通行之字蒼頡無以由之此余所  
輯以漢殘簡之所存楊雄杜林之所說  
以急就篇所倉頡正字




# 王国维遗书

第十一册

上海古籍书店

漢魏博士題名考



漢魏博士題名考卷上

海甯 王國維

兩漢博士

一易博士

田王孫

漢書儒林傳丁寬授同郡碭田王孫王孫授施讎孟喜梁邱賀讎為童子從田王孫受易後讎從長陵田王孫為博士復從卒業

案王孫師丁寬景帝時人弟子施讎孟喜梁邱賀皆宣帝時人則王孫為博士當在武帝之世蓋建元中置五經博士始為易博士者即王孫也儒林傳贊言自武帝立五經博士初書惟有歐陽禮后易楊春秋公羊然傳言楊何元

先中徵為大中大夫不云拜博士蓋易楊乃易田之誤易家先師田何楊何田王孫或同姓或同名故往往相亂史記儒林傳云要言易者本於楊何漢書則作要言易者本之田何此云易楊亦當為易田之譌田王孫與楊何同為田何再傳弟子然楊出王同田出丁寬又楊何之傳為司馬談京房梁邱賀王孫之傳為施讎孟喜梁邱賀然各自名家不得混而為一也

甲易施氏博士

施讎

漢書儒林傳施讎字長卿沛人也沛與碭相近讎為童子從田王孫受易後讎徙長陵田王孫為博士復從卒業與孟喜梁邱賀並為門人謙讓常稱學廢不肯教授及梁邱賀為少府事多乃遣子臨分將門人張禹等從讎問讎自匿不肯見

賀固請不得已乃授臨等於是賀薦讎束髮事師數十年賀不能及詔拜讎為博士甘露中與五經諸儒雜論同異於石渠閣

漢書藝文志易章句施氏二篇

案漢書百官公卿表宣帝神爵三年光祿大夫梁邱賀為少府讎為博士在賀為少府之後施氏博士之立亦在此時矣

張禹

漢書本傳張禹字子文河內軹人也壯至長安學從沛郡施讎受易琅邪王陽膠東庸生問論語既明習有徒眾舉為郡文學甘露中諸儒薦禹有詔太子太傅蕭望之問禹對易及論語大義望之善焉奏禹經學明習有師法可試事奏寢罷歸故官久之試為博士

中略

河平四年代王商為丞相封安昌

侯

漢書藝文志論語魯安昌侯說二十一一篇孝經安昌侯說一篇

彭宣

漢書本傳宣字子佩淮陽陽夏人也治易事張禹舉為博士

中略

元壽元年遷御史大夫轉為大司空封長平侯

乙易孟氏博士

白光

翟牧

漢書儒林傳孟喜授同郡

東海

白光少子沛翟牧子兄皆為博士

士

朱雲

漢書本傳雲字游魯人也徙平陵年四十從博士白子友受

易又事前將軍蕭望之受論語皆傳其業中略元帝時少府五鹿充宗貴幸為梁邱易自宣帝時善梁邱氏說元帝好之欲考其異同令充宗與諸易家論充宗乘貴口辨諸儒莫能與抗皆稱疾不敢會有薦雲者召入攝齋升堂抗首而請音動左右既論難連拄五鹿君故諸儒為之語曰五鹿嶽嶽朱雲折其角由是為博士遷杜陵令

案博士白子友齊氏召南謂即儒林傳之白光少子考朱雲既折五鹿充宗又廷辱張禹充宗傳梁邱易禹傳施氏易如齊氏說則雲事白光為孟喜弟子充宗與禹雖皆以姦佞為雲所嫉亦當以與雲同經異師臭味不同其說殆是也白子友為博士殆與蕭望之為前將軍同時或稍在其前而望之為前將軍在宣帝黃龍元年則子友為博士亦在宣帝時蓋孟氏初置博士即以子友為之也

嚴望

嚴元

漢書朱雲傳雲教授擇諸生然後為弟子九江嚴望及望兄子元字仲能傳雲學皆為博士望至泰山太守

注丹

後漢書儒林傳注丹字子玉南陽育陽人也世傳孟氏易王莽時常避世教授專志不仕建武初為博士稍遷十一年為大鴻臚作易通論世號注君通

丙易梁邱氏博士

士孫張

漢書儒林傳梁邱賀傳子臨臨代

劉奉世曰  
代當為授

五鹿充宗君孟充宗

授平陵士孫張仲方張為博士至揚州牧光祿大夫給事中  
家世傳業

梁恭

范升

後漢書范升傳升字辨卿代郡人習梁邱易建武二年拜議郎遷博士上疏讓曰臣與博士梁恭山陽太守呂羌俱修梁邱易二臣年並耆艾經學深明而臣不以時退與恭並立深知羌學又不能達願推博士以避恭羌帝不許

張興

後漢書儒林傳興字君上潁川鄆陵人習梁邱易建武中舉孝廉即謝病去稍遷博士永平初遷侍中祭酒十年拜太子少傅

丁易京氏博士

殷嘉

姚平

乘弘

漢書儒林傳京房授東海殷嘉河東姚平河南乘弘皆為郎博士

漢書藝文志易京氏段嘉十二篇蘇氏曰東海人為博士

案殷嘉段嘉傳志不同自係一人傳言嘉平弘三人皆為郎博士不知三人皆由郎為博士與抑或為郎或為博士與未能詳也京房傳言上令房上弟子曉知考工課史事者欲試用之房上中郎任良姚平欲以為刺史是姚平曾為郎之證又易京氏立博士在元帝世未幾而廢疑京氏之立在房用事之時其廢即在房獲罪之後其間不過數年未必有三人為博士然儒林傳語未分析無由質言之矣

二書博士

張生

史記儒林傳伏生教濟南張生及歐陽生張生為博士

鼂錯

漢書本傳錯潁川人也以文學事太常掌故孝文時天下亡治尚書者獨聞齊有伏生故秦博士治尚書年九十餘老不可徵乃詔太常使人受之太常遣錯受尚書伏生所還因上書稱說詔以為太子舍人門大夫遷博士中略景帝即位遷御史大夫

衛宏詔定古文官書序

漢書儒林傳注引

伏生老不能正言言不可曉也

使其女傳言教錯齊人語多與潁川異錯所不知者凡十二三略以其意屬讀而已

漢書藝文志法家鼂錯三十一篇

孔延年

孔安國

史記孔子世家子襄生忠忠生武武生延年及安國安國為今皇帝博士至臨淮太守蚤卒

史記儒林傳申公弟子為博士十餘人孔安國至臨淮太守漢書孔光傳忠生武及安國武生延年宋祁曰浙本監本云襄生忠武及安國忠武生延年安國延年皆以治尚書為武帝博士

案史記不言延年為博士漢書孔光傳始言之蓋據孔氏譜牒也史記儒林傳言申公弟子為博士者十餘人孔安國至臨淮太守是安國本治魯詩亦兼治尚書者太史公所謂伏生得二十九篇即以教於齊魯之間學者由是頗能言尚書諸山東大師無不涉尚書以教者故周霸以申公弟子頗能言尚書安國亦以申公弟子為尚書博士也兒寬傳寬受業歐陽生復詣博士受業受業孔安國復以

授歐陽生子是安國為尚書博士之證又安國之學再傳而復為歐陽此又其傳今文尚書之證也其所得古文尚書自傳於家非博士職所當授也

甲書歐陽氏博士

歐陽高

漢書儒林傳兒寬授歐陽生子世相世傳至曾孫高子陽為博士

經典釋文敘錄歐陽氏世傳業至曾孫高作尚書章句為歐陽氏學

漢書藝文志尚書歐陽經三十二卷歐陽章句三十一卷歐陽說義一篇

案說文解字內部离下引歐陽喬說离猛獸也段氏玉裁注云西都賦挖熊螭李注引歐陽尚書說螭猛獸也漢書

儒林傳歐陽生事伏生世世相傳至歐陽高子陽許云歐陽喬者蓋即高古喬高通用此乃歐陽高作歐陽章之

一證

歐陽地餘

漢書儒林傳歐陽高孫地餘長賓以太子中庶子授太子後為博士論石渠元帝即位地餘侍中貴幸至少府

林尊

漢書儒林傳林尊字長賓濟南人也事歐陽高為博士論石渠後至少府太子太傅

平當

漢書本傳當字子思祖父自下邑徙平陵以明經為博士

至丞相

漢書儒林傳林尊授平陵平當

殷崇

漢書儒林傳林尊授陳翁生翁生授琅邪殷崇崇為博士

朱普

漢書儒林傳平當事九江朱普公文普為博士

歐陽歙

後漢書儒林傳歙字王思樂安千乘人也自歐陽生傳伏生尚書至歙八世皆為博士王莽時為長社宰世祖時為大司徒

案傳紀歙為博士於為長社宰之前是尚在西漢之世班史不記蓋偶失之至云歐陽生至歙八世為博士則夸大之辭不足信也

牟長

後漢書儒林傳長字君高樂安臨濟人也少習歐陽尚書不